



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 139. Religio Catholica variis in locis oppressa, in aliis propagata.

[urn:nbn:de:hbz:466:1-67313](https://nbn-resolving.org/urn:nbn:de:hbz:466:1-67313)

decima sexta Decembris Cafrida erumpentes, totam circum regionem flamma & igne vastant, haud mitius in quinque Monfalconensis tractus Pagos grassantibus Heiduccis. Præterea Veneti, ut suppetias Carinthiorum a Ferdinandi exercitu abscinderent, Pontafellam Alpinarum faucium claustrum occupare moliuntur: non latuere tamen Austriacos hæc eorum consilia: unde valido milite locum firmare, Venetosque faucium ingressu prohibere satagunt, eosque aditum tentantes foepius repellunt, non sine opima reversi præda, præcipue copia vini Malvatici, quo tamen largius hausto Teutones, Pannonisque computationibus innatantes, suisque lectis immerfi, Venetis irruentibus, claustra Pontafellæ turpiter reliquerunt.

§. CXXXIX.

Religio Catholica variis in locis oppressa, in aliis propagata.

Sub idem ferme tempus Constantinopoli in Apostolicos variæ Professionis Viros accerrima concitabatur vexatio; licet enim Turcæ, Schismaticos ad Ecclesiæ unitatem revocandi facultatem Missionariis indulgeant, omni tamen legum severitate in eos animadvertere
L15 solent,

*Abrege de
Hist. Eccles.*

Sæc. XVII. solent, qui vel in Mahometana superstitione natos, vel ad eam a Christiana Religione deficientes ad Christi fidem revocare adlaborant; cum ergo P. Sangallus Ordinis FF. Minorum Constantinopolitani Cœnobii Vicarius quosdam Christianæ fidei desertores ad Ecclesiæ sinum revocasset, eisque testimoniales susceptæ fidei literas tradidisset, re ad Mufti seu Ottomanici Pontificis aures delata, hic in carcerem detruditur, unacum sex Jesuitis & omnibus hisce Neophytis, penes quos, cum præfatae literæ fuissent repertæ, Sangallus ex Turcici Senatus sententia laqueo suffocatus est, cujus gloriosæ mortis coronam sex illi Jesuitæ declinabant, Gallici Oratoris patrocinio suffulti: Ne vero Jesuitæ deinceps ejusmodi periculo exponerentur, prospexerat Matthias Imperator impetrata eisdem facultate, Apostolica ministeria per Univerſum Turcarum Imperium libere exercendi: Pariter in Imperio Sinensi paulatim Christianorum numerus plurimum augebatur, quibus etiam accessere quatuor primaria Nobilitate Mandarini, summisque in Aula Imperatoris Officiis insignes: Uberrima insuper incrementa cœperat Religio Christiana in Biscaya Hispaniæ novæ apud Indos Orientales Provincia ultra Mexicum sita, ubi a tem-

Vid. L. 187.
§. 68.

tempore, quo Ferdinandus Cortesius Sæc. XVII.
 Hispanorum Dux eo appullerat, quam A. C. 1616.
 plurima Christianorum millia numera-
 bantur; hoc autem anno quidam vene-
 ficus Præstigiator, qui a Christi fide
 transfuga se Prophetam, & Terræ Deum
 mentiebatur, vicitim circum cursabat,
 ac nunc singulis ac viritim, nunc gre-
 gatim atque universis exponebat, quod
 opibus, suaque libertate ab Hispanis,
 Deorum autem furore a Missionariis
 spoliati fuerint, proin haud cunctaren-
 tur, Hispanum omne nomen, & Hi-
 spanenses præsertim Sacerdotes suis ex-
 terminare finibus. Hæc & plura alia
 per turbas & Pagos Barbarorum præser-
 tim Tepeguanorum disseminans, haud
 difficulter, quoniam facillimus est in
 pejora lapsus, quodcunque eis persua-
 ferat, id & persuasit: Hi igitur conju-
 ratione facta Catholicos in Divæ Catha-
 rinæ Pago impotentibus furiis aggre-
 diuntur, atque ex Hispanis plurimos,
 variique Instituti Sacerdotes misere tru-
 cidant; demum vero occisorum corpo-
 ra per trimestre inhumata sub diu re-
 linquunt.

§. CXL.

*Tumultus ingens a Delphicæis Mulie-
 ribus suscitatus.*

Hus-